



Felles retningslinjer for bruk av Visma Min barnehage for Vinje barnehagane.

Min Barnehage er eit verktøy for barnehagens daglege drift. Den gjev tilgang til å handtere meldingar, fråvær og helseinformasjon direkte i løysninga, og via appen får du alt du treng rett på mobil. Den sikrar god oppfylgning rundt barnet med eit komplett digitalt verktøy for trygg og enkel samhandling med heimen. Det er viktig å understreke at Min Barnehage er **eit supplement** til den daglege, og unike kontakten som barnehagen har med foreldre i hente/bringe situasjonen.

I Vinje har me bestemt at me skal bruke Visma Min barnehage som eit verktøy i den daglege drifta. Me ynskjer å bruke det slik:

- **Sjekke inn/sjekke ut barn:** Dette blir gjort av tilsette i barnehagen.
- **Registrere fråver som fri, ferie, sjukdom etc.** Dette kan både tilsette i barnehagen og foreldre gjera.
- **Sende meldingar:**
Samtaler mellom heimen og barnehagen. Her delar ein info om enkeltbarn
Det er viktig at det ikkje blir dela sensitiv informasjon her. (Det må gjerast muntleg eller pr. sms.)
Beskjedar: Her finn ein felles beskjedar og infoskriv/månadsplanar frå avdelingane eller administrasjonen.
- **Dagbok** oppdateringar. Her kan ein publisere både tekst og bilete. Det er forventa at avdelingane delar **eit dagbok innlegg kvar veke**, og elles når dei kjenner at dei vil dele noko viktig, spennande eller nyttig. Det innlegget som kjem frå avdeling kvar veke kan vera ei enkelthending som for eksempel tur, eller det kan vera ei oppsummering av veka. Det treng ikkje vera både tekst og bilete.
Dersom ei avdeling driv med eit prosjekt eller av andre årsakar vil dele meir enn eit innlegg er det opp til dei.
Ein vil kunne forvente å få fleire dagbok oppdateringar frå avdelingar med store barn enn med små barn, då det er lettare å rette fokus vekk frå leik og samhandling på avdeling med større barn enn med små barn.
- **Sovelister:** Foreløpig er det opp til kvar barnehage om ein vil nytte seg av dette.